

ხელშეკრულება №28

სახელმწიფო შესყიდვის შესახებ

ქ. ბათუმი

23 / იანვარი / 2019 წელი

ერთი მხრივ, ა(ა)იპ ბათუმის საბავშვო ბაღების გაერთიანება შემდგომში - „შემსყიდველი“, წარმოდგენილი მისი დირექტორის - მაუკა შამილიშვილის სახით და მეორე მხრივ, შპს „ნარგულ“ შემდგომში - „მიმწოდებელი“, წარმოდგენილი მისი დირექტორის სიმონ გორგაძის სახით, სახელმწიფო შესყიდვების მარეგულირებელი კანონმდებლობისა და მიმწოდებლის სატენდერო წინადადების საფუძველზე, **NAT180021200** აუქციონის გარეშე ელექტრონული ტენდერის ჩატარების შედეგად ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანს წარმოადგენს საქონლის (ძროხის) ხორცი (CPV-15111100) (შემდგომში - „საქონელი“);

1.2 საქონლის ტექნიკური მახასიათებელი, რაოდენობა, ერთეულისა და საერთო ფასები, წარმოშობის ქვეყანა და მწარმოებელი განისაზღვრება დანართებით N1,2,3, რომლებიც წარმოადგენენ ამ ხელშეკრულების განუყოფელ ნაწილებს.

2. ხელშეკრულების ღირებულება

2.1 ხელშეკრულების საერთო ღირებულება შეადგენს **261 214,80** (ორას სამოცდაერთი ათას ორას თოთხმეტი და ოთხმოცი) ლარს.

2.2 პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული სხვა დოკუმენტები კმნიან მოცემულ ხელშეკრულებას და ითვლებიან მის განუყოფელ ნაწილად.

2.3 ხელშეკრულების საერთო ღირებულება მოიცავს, როგორც მისაწოდებელი შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით „მიმწოდებლის“ მიერ გაწეულ ყველა ხარჯს.

3. ანგარიშსწორების ფორმა და ვადები

3.1 ანგარიშსწორების ფორმა: უნაღდო;

3.2 ანგარიშსწორების ვალუტა: ეროვნული ვალუტა (ლარი);

3.3 ანგარიშსწორება განხორციელდება ეტაპობრივად მიწოდებული საქონლის რაოდენობის შესაბამისად, თვეში ერთჯერ, მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში;

3.4 საავანსო ანგარიშსწორება არ გამოიყენება;

4. მიღება-ჩაბარების წესი

4.1 საქონლის მიღება ფორმდება მიღება-ჩაბარების აქტით, რომელიც დასტურდება შემსყიდველისა და მიმწოდებლის საამისოდ უფლებამოსილი წარმომადგენლების ხელმოწერებით.

5. საქონლის მიწოდების ვადა, ადგილი და ფორმა.

5.1 საქონლის მიწოდება განხორციელდება:

ა) ხელშეკრულების დადებიდან 2019 წლის 31 ივლისამდე;

ბ) შემსყიდველი ორგანიზაციის 33 ობიექტზე, საბავშვო ბაღების მისამართებზე, დანართი N4-ის შესაბამისად;

5.2 საქონლის მიწოდება საბავშვო ბაღებამდე განხორციელდება სპეციალიზებული მაცივარ-მანქან(ებ)ით (მაცივრიანი სატრანსპორტო საშუალება), სადაც დაცული იქნება საქონლის შენახვისა და ტრანსპორტირებისათვის საჭირო პირობები, ტემპერატურა, ჰიგიენური პირობები და. აშ.;

5.3 საქონლის მიწოდება განხორციელდება ეტაპობრივად კვირაში ორჯერ;

5.4 მისაწოდებელი საქონლის რაოდენობას და მიწოდების კონკრეტული დღეები განისაზღვრება შემსყიდველისგან ელექტრონული ფორმით წინასწარ მიცემული შეკვეთის საფუძველზე (მიმწოდებელს შეკვეთა გადაეგზავნება რეკვიზიტებში მითითებულ ელექტრონულ მისამართზე @mail), შემსყიდველის მიერ ელექტრონული ფოსტით გაგზავნილი შეკვეთის გაგზავნის თარიღი ითვლება - შეკვეთის მიცემის თარიღად, ხოლო შეკვეთაში დაფიქსირებული მიწოდების თარიღი - მიწოდების თარიღად;

5.5 საქონლის მიწოდება განხორციელდება 09:00სთ-დან 10:30სთ-მდე, საქონლის დაგვიანებით მიწოდებაზე გავრცელდება ხელშეკრულების მე-13 პუნქტით გათვალისწინებული ღონისძიებები;

5.6 საქონლის მიწოდებისთვის შემსყიდველი მიმწოდებელს განუსაზღვრავს გონივრულ ვადას, მაგრამ არაუმეტეს 1-3 დღისა;

5.7 შემსყიდველი უფლებამოსილია ხელშეკრულებით განსაზღვრული საქონლის რაოდენობა არ აითვისოს სრულად (ხელშეკრულებით გათვალისწინებული საქონლის ათვისება განისაზღვრება ბვშვთა ფაქტობრივი გამოცხადების შესაბამისად);

5.8 მიმწოდებელი ვალდებულია მიწოდების დროს საქონელი განათავსოს საბავშვო ბაღის წარმომდგენლის მიერ მითითებულ ადგილზე;

5.9 მიმწოდებელი ვალდებულია საბავშვო ბაღებში საქონლის მიწოდების დროს გააფორმოს მიღება-ჩაბარების აქტი არანაკლებ ორ ეგზემპლარად, ერთი ეგზემპლარი დატოვოს საბავშვო ბაღში, ხოლო მეორე ეგზემპლარი წარმოადგინოს ა(ა)იპ ბათუმის საბავშვო ბაღების გაერთიანების ადმინისტრაციაში;

6. მხარეთა უფლება-მოვალეობები

6.1. შემსყიდველი უფლებამოსილია:

6.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

6.1.2. საქონლის მიწოდების დასრულებამდე გამოითხოვოს მიმწოდებლისგან საქონლის მიწოდებასთან დაკავშირებული მისთვის საჭირო დოკუმენტი.

6.2. შემსყიდველი ვალდებულია:

6.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.

6.2.2. უზრუნველყოს მიწოდებული საქონლის მიღება.

6.3. მიმწოდებელი უფლებამოსილია:

6.3.1 მიმწოდებელს უფლება აქვს მოსთხოვოს შემსყიდველს მიწოდებული საქონლის ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

6.4.1. დაიცვას ხელშეკრულებით გათვალისწინებული ყველა პირობა.

6.4.2. მიაწოდოს საქონელი სათანადო ხარისხითა და სრული მოცულობით, იმ ვადაში, რომელიც განსაზღვრულია ხელშეკრულებით.

7. საქონლის შესაბამისობა ნორმატიულ დოკუმენტებთან:

7.1 საქონელი უნდა შეესაბამებოდეს/აკმაყოფილებდეს:

ა) „სასურსათო ნედლეულისა და კვების პროდუქტების ხარისხისა და უსაფრთხოების სანიტარიული წესებისა და ნორმების დამტკიცების შესახებ“ საქართველოს შრომის, ჯანმრთელობისა და სოციალური დაცვის მინისტრის 2001 წლის 16 აგვისტოს N301/ნ ბრძანებას;

ბ) საქართველოს მთავრობის 2010 წლის 7 მარტის №90 დადგენილების „ცხოველური წარმოშობის სურსათის ჰიგიენის სპეციალური წესის“ მოთხოვნებს;

გ) საქონლის პირველადი და მეორადი დამუშავების ადგილი და პირობები, ჩლიქოსანი ცხოველის დაკვლის შედეგად მიღებული ხორცის დაჭრა და ძვლების გამოცლა უნდა განხორციელდეს საქართველოს მთავრობის 2012 წლის 7 მარტის №90 დადგენილების „ცხოველური წარმოშობის სურსათის ჰიგიენის სპეციალური წესის“ მოთხოვნების დაცვით;

დ) საქართველოს მთავრობის 2013 წლის 31 დეკემბრის №441 დადგენილების ტექნიკურ რეგლამენტს „სურსათის ეტიკეტირებისადმი დამატებითი მოთხოვნის შესახებ“;

ე) საქართველოს მთავრობის 2016 წლის 9 მარტის №118 დადგენილებას „ტექნიკური რეგლამენტის – საქონლის ხორცისა და საქონლის ხორცის პროდუქტების ეტიკეტირების წესის დამტკიცების შესახებ“;

ვ) არსებული ნორმატიული დოკუმენტ(ებ)ის ცვლილების ან/და ახალი ნორმატიული დოკუმენტ(ებ)ის შემოღების შემთხვევაში, მიმწოდებელი ვალდებულია შესყიდვის ობიექტი და მასთან დაკავშირებული გარემოებები შეუსაბამოს შეცვლილ გარემოებებს;

8. საქონლის ვარგისიანობის ვადა, დამუშავების, ეტიკეტირებისა და სხვა პირობები:

8.1 ხორცის დაჭრა, ძვლებისგან გამოცლა, შეხვევა და შეფუთვა უნდა განხორციელდეს ისე, რომ ტემპერატურა უნდა შენარჩუნდეს არაუმეტეს +7C - +10C-ზე. აღნიშნული ტემპერატურა უნდა იქნეს მიღწეული მის ტრანსპორტირებამდე და შენარჩუნდეს ტრანსპორტირების განმავლობაში;

8.2 დარბილებული ხორცის ვარგისიანობის ვადა არ უნდა აღემატებოდეს 48 საათს ზემოაღნიშნული ტემპერატურული რეჟიმის პირობებში (ხორცის მიღებისას გასული უნდა იყოს ვადის არაუმეტეს 50%-24 საათი);

8.3 ტან-ხორცის ყოველ მიწოდებაზე წარმოდგენილი უნდა იქნას საქართველოს კანონმდებლობით განსაზღვრული შესაბამისი ვეტერინარული მოწმობა (ფორმა 2) ა(ა)იპ „ბათუმის საბავშვო ბაღების გაერთიანების“ ადმინისტრაციაში;

8.4 მიწოდებული ხორცის ყველა ნაჭერზე დასმული უნდა იყოს ვეტერინარის დამლა, რომელიც უნდა იკითხებოდეს გარკვევით;

8.5 ყველა მიწოდებულ პარტიას უნდა ახლდეს ვეტერინარის მიერ გაცემული ცნობა რეალიზებული პროდუქციის შესახებ, რომელიც სხვა დოკუმენტებთან ერთად წარმოდგენილი უნდა იყოს ა(ა)იპ „ბათუმის საბავშვო ბაღების გაერთიანების“ ადმინისტრაციაში;

8.6 ცხოველთა სასაკლაოში ხორცი დარბილების შემდგომ უნდა იყოს დაფასოებული, შეფუთული და ეტიკეტირებული საქართველოს მთავრობის 2013 წლის 31 დეკემბრის №441 დადგენილების ტექნიკური რეგლამენტის „სურსათის ეტიკეტირებისადმი დამატებითი მოთხოვნის შესახებ“ თანახმად და თანდართული ფორმის (დანართი №1) გათვალისწინებით. დარბილებული ხორცი ვეტერინარული მოწმობა №2-ის გაცემას არ საჭიროებს;

8.7 ეტიკეტი დარბილებული ხორცის შეფუთულ ერთეულზე მიმაგრებული ან განთავსებული უნდა იყოს იმგვარად, რომ ადვილად არ სცილდებოდეს და დამზადდეს ისეთი მასალისაგან, რომელიც ადვილად არ ზიანდება გარემო ფაქტორების ზემოქმედებით;

9. საქონლის ლაბორატორიული შემოწმება:

9.1 მიმწოდებელი ვალდებულია სამ თვეში ერთჯერ თავისი ხარჯებით წარმოადგინოს საქონლის მიკრობიოლოგიური კვლევის შესახებ აკრედიტებული ლაბორატორიის მიერ გაცემული გამოცდის ოქმი;

9.2 ნიმუშის აღება და ლაბორატორიული შემოწმება უნდა განხორციელდეს საქართველოში მოქმედი კანონმდებლობისა და სტანდარტების შესაბამისად;

9.3 შემსყიდველი უფლებამოსილია მიმწოდებელს მოსთხოვოს იმ ლაბორატორიის აკრედიტაციის მოწმობა, სადაც უნდა განხორციელდეს საქონლის ლაბორატორიული შემოწმება, იმ შემთხვევაში, თუ აკრედიტებული ლაბორატორია შერჩეული იქნება მიმწოდებლის მიერ;

9.4 ნიმუშების აღება განხორციელდება ერთობლივად შემსყიდველისა და მიმწოდებლის უფლებამოსილი პირების მიერ, შემსყიდველის მიერ შერჩეული საბავშვო ბაღიდან/ბაღებიდან, აღებული ნიმუში შეიფუთება დადგენილი წესის მიხედვით და გაიგზავნება აკრედიტებულ ლაბორატორიაში;

9.5 საქონლის მიკრობიოლოგიური კვლევის შესახებ შესაბამისი ინფორმაციის, აკრედიტებული ლაბორატორიის მიერ გაცემული გამოცდის ოქმის დაგენილ ვადაში წარუდგენლობა გამოიწვევს მიმწოდებლის დაჯარიმებას ყოველ ვადაგადაცილებულ დღეზე ხელშეკრულების საერთო ღირებულების 0,005%-ის ოდენობით, ხოლო თუ ვადაგადაცილებული დღეების ოდენობა გადააჭარბებს 15 კალენდარულ დღეს, აღნიშნული ფაქტი ჩაითვლება ხელშეკრულების არაჯეროვან შესრულებად და შემსყიდველი უფლებამოსილია ცალმხრივად, უპირობოდ შეწყვიტოს ხელშეკრულება და მიწოდებლის მიმართ გაატაროს ხელშეკრულებით გათვალისწინებული ღონისძიებები;

10. ხელშეკრულების შესრულების უზრუნველყოფის გარანტია:

10.1 ხელშეკრულების შესრულების უზრუნველსაყოფად გამოიყენება სს „სადაზღვეო კომპანია ჯი პი აი ჰოლდინგი“-ს (ს/კ: 204426674) მიერ, 2019 წლის 10 იანვარს გაცემული FG/19 017326 ხელშეკრულების შესრულების საგარანტიო უზრუნველყოფა (საბანკო გარანტია), რომელიც წარუდგინა მიმწოდებელმა შემსყიდველს, ხელშეკრულების საერთო ღირებულების 5%-ის ოდენობით და თახობრივად შეადგენს 13065,05 (ცამეტი ათას სამოცდახუთი და ხუთი) ლარს;

10.2 ხელშეკრულების შესრულების უზრუნველყოფის გარანტია მოქმედებს: 2019 წლის 10 იანვრიდან - 2019 წლის 1 სექტემბრის ჩათვლით;

11. ხელშეკრულების შესრულების კონტროლი

11.1 ხელშეკრულების შესრულების კონტროლი გულისხმობს მიმწოდებლის მიერ ხელშეკრულების პირობების შესრულების, აგრეთვე მიწოდებული საქონლის ხარისხის კონტროლს.

11.2 ხელშეკრულების შესრულების კონტროლს შემსყიდველის მხრიდან განახორციელებს - მთავარი სპეციალისტი კვების დარში - ლია მოქია;

11.3 ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

11.4 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები . იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს , მის შრომის ანაზღაურებას უზრუნველყოფს თვითონ შემსყიდველი ორგანიზაცია თუ ხელშეკრულებით სხვა რამ არ არის გათვალისწინებული, ყველა გამოვლენილი ნაკლოვანების აღმოფხვრასთან და კონტროლის ხელახლა განხორციელებასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ, გონივრულ ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

13. ხელშეკრულების პირობების შეუსრულებლობა

13.1 მიმწოდებლის მიერ ხელშეკრულებით ნაკისრი ვალდებულებების შესრულების ვადის გადაცილების შემთხვევაში დაეკისრება პირგასამტეხლო, ყოველ ვადაგადაცილებულ დღეზე შეუსრულებელი ვალდებულების შესაბამისი ღირებულების 0,02%-ის ოდენობით;

13.2 მიწოდებული საქონლის ყოველი პარტიიდან, შემსყიდველის მიერ გარკვეული ნაწილის დაწუნების (უხარისხობის გამო) შემთხვევაში, მიმწოდებელი ვალდებულია იმავე დღეს 11:00სთ-მდე ჩაანაცვლოს იგი ხელშეკრულებით განსაზღვრული საქონლის ხარისხობრივი მახასიათებლების შესაბამისი

საქონლით, სრული მოცულობით, წინააღმდეგ შემთხვევაში აღნიშნული მიწოდება ჩაითვლება არასრულყოფილად მიწოდებაში და მიმწოდებელს დაეკისრება პირგასამტეხლო, ყოველ ვადაგადაცდილებულ დღეზე შეუსრულებელი ვალდებულების შესაბამისი ღირებულების 0,02%-ის ოდენობით;

13.3 დადგენილ ვადაში, განმეორებით, შეკვეთილი პარტიის მიუწოდებლობის, დაგვიანებით მიწოდების, არასრულყოფილად მიწოდების, უხარისხო საქონლის მიწოდების და კანონმდებლობით დადგენილი დოკუმენტაციის წარმოუდგენლობის შემთხვევაში შემსყიდველი უფლებამოსილია განიხილოს ხელშეკრულების ვადამდე ადრე, ცალმხრივად შეწყვეტის საკითხი და მიმწოდებლის მიმართ გაატაროს ხელშეკრულებით გათვალისწინებული ღონისძიებები;

13.4 დასარიცხი პირგასამტეხლოს დღეების ოდენობა განისაზღვრება მომდევნო მიწოდების დღემდე;

13.5 ხელშეკრულებით ნაკისრი ვალდებულებების შეუსრულებლობის ან/და არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელის მიმართ მოქმედებს ხელშეკრულების შესრულების უზრუნველყოფის გარანტიით გათვალისწინებული პირობები;

14. ხელშეკრულებაში ცვლილებების შეტანა

14.1 ნებისმიერი ცვლილება წინამდებარე ხელშეკრულებაში განხორციელდება წერილობით, მხარეთა შეთანხმების საფუძველზე, მხოლოდ ორივე მხარის უფლებამოსილი წარმომადგენლის ხელმოწერით.

14.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

14.3 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

15. ხელშეკრულების შეწყვეტა

15.1 წინამდებარე ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად თუ მეორე მხარე არ ასრულებს ან არაჯეროვნად ასრულებს ნაკისრ ვალდებულებებს;

15.2 შემსყიდველის ინიციატივით ხელშეკრულების ცალმხრივად შეწყვეტის შემთხვევაში, მიმწოდებელს უფლება არ აქვს მოითხოვოს მიუღებელი შემოსავლისა ან/და ზიანის ანაზღაურება.

15.3 მხარე ვალდებულია არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ხელშეკრულების ცალმხრივად შეწყვეტის განზრახვის შესახებ.

16. დავების გადაწყვეტა

16.1 ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

17. დაუძლეველი ძალა

17.1 მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია წერილობით აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

17.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა წერილობით აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შესრულებისაგან. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

17.3 თუ დაუძლეველი ძალის მოქმედება გრძელდება 20 დღეზე მეტ ხანს, მხარეს უფლება აქვს ცალმხრივად შეწყვიტოს ხელშეკრულება.

18. სხვა პირობები

18.1 ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე შემსყიდველს.

19. ხელშეკრულების მოქმედების ვადა

19.1 წინამდებარე ხელშეკრულება ძალაშია: 2019 წლის 23 იანვრიდან - 2019 წლის 1 სექტემბრამდე;

20. მხარეთა რეკვიზიტები:

შემსყიდველი:

ა(ა)იპ „ბათუმის საბავშვო ბაღების გაერთიანება“

მის: ქ. ბათუმი, პ. მელიქიშვილის ქ N42

საიდენტიფიკაციო კოდი: 445 393 510

სახელმწიფო ხაზინა

TRESGE22

ა/ნ 740737005

მიმწოდებელი:

შპს „ნარგულ“

მის : ქ. ბათუმი, სვიშევსკის ქN230

საიდენტიფიკაციო კოდი: 445 474 656

სს „პროკრედიტ ბანკი“

ბანკის კოდი: MIBGGE22

ა/ნ: GE91PC 0033 6001 0005 1800

მამუკა შამილიშვილი

სიმონ გორგაძე

დანართი N1 - ტექნიკური მახასიათებლები

საქონლის დასახელება	ტექნიკური მახასიათებლები
საქონლის (ძროხის) ხორცი	ახალი, უძველესი საქონლის ხორცი (ბეჭის, მკერდის, ზურგის, ბარკლის ნაწილები). უმაღლესი ხარისხის, მყესების, ქონისა და თხელი ნაჭრების გაერში. ორგანოლექტიკურად (ფერი- ვარდისფერი, სუნი სასიამოვნო, კონსისტენცია ნორმალური) დამაკმაყოფილებელი. გაყინული და შემდეგ გამდგალი ხორცის მიწოდება დაუშვებელია.

დანართი N2 - ფასების ცხრილი

საქონლის დასახელება	განზომილების ერთეული, რაოდენობა		ერთეულის ფასი (ლარი)	საერთო ფასი (ლარი)
საქონლის (ძროხის) ხორცი	კგ	16940	15,42	261 214,80

დანართი N 3 - ინფორმაცია წარმოშობის ქვეყნისა და მწარმოებლის შესახებ

საქონლის დასახელება	წარმოშობის ქვეყანა	მწარმოებელი
საქონლის (ძროხის) ხორცი	საქართველო	შპს ელენიკო

დანართი N2 - მისამართები

საბავშვო ბაღის N	მისამართი
საბავშვო ბაღი N1	ქ. ბათუმი, ზურაბ გორგილაძის ქ. N25
საბავშვო ბაღი N2	ქ. ბათუმი, ვაჟა ფშაველას ქ. N5
საბავშვო ბაღი N3	ბათუმი, ვახტანგ გორგასლის ქ. N51
საბავშვო ბაღი N4	ქ. ბათუმი, პეტრე მელიქიშვილის ქ. N8
საბავშვო ბაღი N5	ქ. ბათუმი, გიორგი მაზნიაშვილის ქ. N28
საბავშვო ბაღი N6	ქ. ბათუმი, შალვა ინასარიძის ქ. N22 ა
საბავშვო ბაღი N7	ქ. ბათუმი, დავით აღმაშენებლის ქ. N17
საბავშვო ბაღი N8	ქ. ბათუმი, შალვა ინასარიძის ქ. N4 ა
საბავშვო ბაღი N9	ქ. ბათუმი, ნიკო ფიროსმანის ქ. N9
საბავშვო ბაღი N10	ქ. ბათუმი, დავით აღმაშენებლის ქ. N14
საბავშვო ბაღი N11	ქ. ბათუმი, დავით აღმაშენებლის ქ. N5
საბავშვო ბაღი N12	ქ. ბათუმი, აკაკი წერეთლის ქ. N30
საბავშვო ბაღი N13	ქ. ბათუმი, ივანე ანდრონიკაშვილის ქ. N44
საბავშვო ბაღი N14	ქ. ბათუმი, ვაჟა ფშაველას ქ. N83
საბავშვო ბაღი N15	ქ. ბათუმი, ილია ჭავჭავაძის ქ. N65
საბავშვო ბაღი N16	ქ. ბათუმი, ალექსანდრე პუშკინის ქ. N113
საბავშვო ბაღი N17	ქ. ბათუმი, პეტრე მელიქიშვილის ქ. N104
საბავშვო ბაღი N18	ქ. ბათუმი, ვლადიმერ მაიაკოვსკის ქ. N3
საბავშვო ბაღი N19	ქ. ბათუმი, სვიშჩევსკი ქ. N1
საბავშვო ბაღი N20	ქ. ბათუმი, ჯემალ ქათამაძის ქ. N38
საბავშვო ბაღი N22	ქ. ბათუმი, თამარ მეფის გამზ. I შეს. N4
საბავშვო ბაღი N23	ქ. ბათუმი, სამრეწველო უბანი, ფ.ხალვაშის გამზირი N281
საბავშვო ბაღი N24	ქ. ბათუმი, სამრეწველო უბანი, ფ.ხალვაშის გამზირი N318
საბავშვო ბაღი N25	ქ. ბათუმი, კახაბრის უბანი
საბავშვო ბაღი N26	ქ. ბათუმი, მწვანე კონცხის უბანი იბერიის ქ. N2
საბავშვო ბაღი N27	ქ. ბათუმი, ლერმონტოვისა და ს. ხიმშიაშვილის ქუჩების მიმდებარედ
საბავშვო ბაღი N28	ქ. ბათუმი ადლიის დასახლება, კოტე აფხაზის ქ. N4
საბავშვო ბაღი N29	ქ. ბათუმი, გონიოს დასახლება პეტრე იბერის N1
საბავშვო ბაღი N30	ქ. ბათუმი, ბარცხანის დასახლება, იოსებ ნონეშვილის ქ. N 60
საბავშვო ბაღი N31	ქ. ბათუმი, გალაკტიონ ტაბიძის ქ. N14
საბავშვო ბაღი N32	ქ. ბათუმი, კახაბრის დასახლება, ფრიდონ ხალვაშის II ჩიხი
საბავშვო ბაღი N33	ქ. ბათუმი, ურეხის დასახლება, მამია ვარშანიძის I შესახვევი
საბავშვო ბაღი N34	ქ. ბათუმი, თამარის დასახლება, ც. დადიანის ქ. N14